

Presentacion pelicula di 'Poetry is an Island', Derek Walcott, na Tele-Aruba

AWE diabierna anochi, 31 di maart 2017, despues di sorteo di Lotto pa Deporte, pa 9.10 di anochi Tele-Aruba canal 13 y 23 lo presenta e documentario/película *'Poetry is an Island'*, Derek Walcott.

Un documentario unico di e poeta y dramaturgo Caribeño y Premio Nobel di Literatura 1992, Derek Walcott, titula *Poetry is an Island*, produci pa Ida Does y Rebecca Roos.

Astrid Britten, Directora Biblioteca Nacional Aruba, Mirto Laclé, gestor cultural y Tele-Aruba ta gradici Ida Does y Rebecca Roos pa nan contribucion cu ta haci posibel e transmision di e documentario/película *Poetry is an Island*.

E Comision di Premio Nobel di Literatura ta describi e obra literario di Derek Walcott como un obra poetico di gran balor, sostiene pa un vision historico, e resultado di un compromiso multicultural.

E documentario ta presenta aspectonan intimo di bida di Derek Walcott y ta situa na

su isla natal Sint Lucia.

Ora Derek Walcott ta na paisnan lehamo su antocho ta pa regresa su isla.

Kico ta inspira e gran poeta aki? Kendenan t'e personanan cu nan bida a keda converti den poesia pa medio di e obranan di Derek Walcott? Y con nan ta experiencia e dote di idioma di nan amigo, nan mentor y nan tata?

E documentario ta explora e obra literario di Derek Walcott, e paisahe y e personanan cu ta inspira Derek Walcott. Tambe e documentario ta mustra e sitionan esencial di e trabou y bida di Derek Walcott.

Algun di su amigonan sercano di infancia ta versa nan opinion encunto Derek Walcott.

Riba e potret: Derek Wal-

cott ta firma e obra *Omeros* pa Olga Orman, autor Arubano, na mei 2008, Amsterdam, Hulanda.

